

521356

福建通志

通第叁冊
紀

K295.7
1

福建通紀卷七

元一

世祖至元十七年正月置福建行中書省於福州

資治通鑑後編
元資治通鑑

案元史百官志作十六年五月事始去年定制而今年實行之

敕泉州行省所轄州郡山寨未即歸附者率兵拔之已拔復叛者屠之元史

世祖紀

三月命福建王積翁入領省事中書省臣以為不可改戶部尚書上

四月以隆興泉州福建置三省不便命廷臣集議以聞上

中書省臣言唆都軍士擾民故南劍等路民復叛及忙古帶往招徠之民

始獲安詔以忙古帶仍行省福州

世祖紀
元通鑑

隆興路楊門站復為懷安縣

五月福建行省移泉州

汀漳賊廖得勝等伏誅

以上世祖紀

七月徙泉州行省治隆興元史類編

案新元史作十八年七月事

八月鎮守南劍路萬戶呂宗海竊兵亡去詔追捕之世祖紀

漳州陳弔眼聚黨數萬劫掠汀漳是月加完者都鎮國上將軍福建等處征蠻都元帥率兵五千往討賜翎根甲面慰遣之且曰賊苟就擒聽汝施行時黃華聚黨三萬人擾建寧完者都先引兵鼓行壓其境軍聲大震賊驚懼納款完者都許以爲副元帥凡征蠻之事一以問之且慮其姦詐莫測因大獵以耀武適有一鵬翔空完者都仰射之應弦而落遂大獵所獲山積華大悅服完者都乃聞於朝請與之俱討賊朝廷從之華遂爲前驅破其五寨通鑑後編

案臨汀彙攷以副元帥爲高興與元資治通鑑合而元通鑑旣言興爲副帥又言黃華爲副元帥事在十二月彙攷又以十七年事爲十八九兩年

十二月陳桂龍反弔眼之叔也據漳州高安砦延蔓五十餘寨命完者都及副帥高興討之時各寨最著者桂龍在九層際弔眼在漳浦峰山砦陳三官在水篆羅半天梅龍在長窖陳大婦在客寮皆畚也桂龍等乘高爲險人莫敢進興命人持束薪進至半山棄薪退如是六日誘其矢石皆盡乃焚薪焚柵斬首二萬級桂龍亡入畚洞

元通鑑類編經世大典序錄

案元史誤以完者都爲唆都臨汀彙攷謂桂龍率衆來降詔流之邊地

但以爲十九年事

置權茶都轉運司于江州總江淮荆湖福廣之稅

類編

十八年正月邵武民高日新據龍樓寨爲亂擒之

世祖紀

案世祖紀又言本年十月高日新降

三月福建省左丞蒲壽庚言詔造海船二百艘今成者五十民實艱苦詔

止之

世祖紀

閏八月阿塔海乞以戊三海口軍擊福建賊陳吊眼詔以重勞不從

世祖紀續

通鑑

九月立經略使問民疾苦招諭叛逆總督大小官吏治兵哀粟精練士卒
審用成算并申明紀律先定江西湖廣浙江福建諸處併力犄角收平復
之效不尙屠戮之威

元朝典故
編年考

十月陳弔眼聚衆十萬連五十餘寨扼險自固高興攻破十五寨弔眼走
保千壁嶺興上至山半誘與語接其手掣下擒斬之漳境悉平

續通鑑臨
汀彙攷

案彙攷以爲十九年事元史彙編以爲十一月事

南劍州邱細春反行鎮閩開國大王改元昌泰

經世大
典序錄

用和禮霍孫言於揚州隆興鄂州泉州四省置蒙古提舉學校官各二員

通鑑
後編

十一月高日新及其弟鼎新等至闕以日新兩爲叛首授山北路民職

紀

案本紀旣言擒日新又言日新降或旣擒逸去又降故此言兩爲叛首

十二月獲福州叛賊林天成戮于市

世祖紀

是月也免福州路今年稅二分十八年以前租稅並免徵

世祖紀

是歲改漳州爲路

通鑑後編

是年以福建調軍糧儲費用依腹裏例置立屯田命管軍總管鄭楚等發鎮守士卒年老不堪備征戰者得百有十四人又募南安等縣居民一千八百二十五戶立屯耕作

元史

十九年二月籍福建戶數

世祖紀

諭鄂州揚州隆興泉州等四省議用兵戍列城四月調揚州合必軍三千

人鎮泉州

元史兵志

三月興化路連日雨霰

元史五行志

四月征蠻元帥完者都等平陳吊眼巢穴班師賞其軍鈔仍令還家休息

遣揚州射士戍泉州陳吊眼父文桂及兄弟桂龍滿安納款命護送赴京

師其黨吳滿張飛迎敵就誅之

世祖紀

六月以占城既服復叛發淮浙福建湖廣軍五千海船百艘戰船二百五

十命峻都爲將討之世祖紀

九月福建宣慰司獲倭國謀者有旨留之元史

是月敕平濠高麗耽羅及揚州隆興泉州共造大小船三千艘世祖紀

二十年正月改福建按察司爲福建閩海道通鑑後編類編

三月併泉州行省入福建行省

罷福建市舶總管府存提舉司

給西川福建兩廣之任官驛馬

免福建歸附後未徵苗稅以上世祖紀

罷福建道宣慰司復立行中書省於漳州以中書右丞張惠爲平章政事

御史中丞也先帖木兒爲中書左丞並行中書省事世祖紀通鑑後編

七月蠲建甯路至元十七年前未納苗稅世祖紀

十月建甯路管軍總管大典作黃華叛衆幾十萬剪髮文面號頭陀軍據

政和縣稱祥興五年高興與戰於鉛山破其軍獲八千人

通鑑後編經世大典序錄

黃華犯崇安浦城等縣圍建寧府命征東行省左丞劉國傑以其兵會汀

淮參政伯顏等討之國傑攻破赤巖寨華投火死餘衆皆潰福建行省左

丞忽剌出將兵來會梧州欲掠賊遺棄去者盡殺之國傑曰首亂者華也

餘皆脅從招諭不歸誅之未晚未幾衆果出降

通鑑後編

宋元史元通鑑以爲記卜憐吉帶史弼等將兵二萬二千人討平之元

史類編以爲明年正月華方自殺

發乾討虜軍千人增戍福建行省先是福建行省以其地險常有盜負固

爲亂兵少不足戰守請增蒙古漢軍千人樞密院議以劉萬奴所領乾討

虜軍益之

兵志

是年增海北廣東道改福建廣東道曰福建閩海道

百官志

二十一年二月以福建宣慰使管如德爲泉州行省參知政事

世祖紀

漳州盜起命江浙行省調兵進討秦州總管劉發有罪嘗欲歸黃華事覺

前漢書

伏誅

通鑑

後編

八月放福建番軍收其軍器其部長於近處州郡民官遷轉

世祖紀

九月併江淮福建爲一省

編類

立福建等處鹽課市舶都轉運司中書省言福建行省軍餉絕少必於揚州轉輸事多遲誤若併兩省爲一分命省臣治泉州爲便詔以中書右承行省事忙兀台爲江淮等處行中書省平章政事其行省左丞忽剌出蒲壽庚叅政管如德分省泉州

十一月福建行省遣使人八台魯思招降南巫里別里刺理倫大力等四國各遣其相奉表以方物來貢

二十二年正月盧世榮請罷福建行中書省立宣慰司隸江西行中書省

以上世祖紀

邵武光澤縣大水

元史五行志

二月徙右千戶只兒海迷失分地泉州

世祖紀

盧世榮奏于泉杭二州立市舶都轉運司給民錢令商販諸番官取其息

七民取其二三禁私販海者拘其先所蓄寶貨官賣之匿者許告沒其財以

其半給告者

續通鑑

九月詔福建黃華番軍有恒產者放為民無恒產與妻子者編為守城軍

兵志

二十三年正月升福州長溪縣為福甯州以福安甯德二縣隸之

世祖紀

十月興化路仙遊縣蟲傷禾

世祖紀

十二月復泉州市舶提舉司

是年汀冠鍾明亮起事嘯聚數萬眾由閩及江蹂數郡之地

水雲村泯稿

二十四年閏二月改福建市舶都漕運司為都轉運鹽使司

世祖紀

是年五月朝廷用桑哥言置上海福州兩萬戶府以維制沙不丁烏馬兒

等海運船

通鑑後編

十一月桑哥等言江南歲附十年盜賊迄今未靖宜立限招捕而以安集

貴州縣之吏其不能將黜之葉季言臣在漳州十年詳知其事大抵軍官嗜利與賊通者尤難弭息宜令各處鎮守軍官例以二年轉徙庶革斯弊皆詔行之續通鑑

獲福建首賊張治國其黨皆平

世祖紀

案此言治國已獲而世祖紀二十五年十二月又言湖頭賊張治國掠泉州必有一誤

二十五年二月循州賊萬餘人寇漳浦泉州賊二千人寇長泰汀贛番賊千餘人寇龍溪皆討平之

通鑑後編元通鑑

四月廣東賊董賢舉等七人皆稱大老聚眾反剽掠吉贛瑞撫龍興南安韶雄汀諸郡連歲擊之不能平

七月近以盜起廣東分江西江淮福建三省兵萬人令同知江西行樞密院事月的迷失將之討賊

九月置汀梅二州驛

以上世祖紀

十月以參知政事忻都等十二人理筭江淮江西福建四川甘肅安西六省錢穀耗失之數給兵以衛其行

元通鑑

十一月北兵犯邊詔福建省管內並聽行尚書省節制

世祖紀

十二月免泉州今歲田租上

是年南安等處被寇兵者稅糧免徵

元史食貨志

二十六年正月蠲漳汀二州田租

通鑑後編

畚民丘大老集衆千人寇長泰縣福州達魯花赤脫歡同漳州路總管高

傑討平之

世祖紀

以荆湖古城省左丞唐兀帶副按的忽都合爲蒙古都萬戶統兵會江淮

福建二省及月的迷失兵討盜于江西

元通鑑

二月尚書省臣言行泉州所統海船萬五千艘以新附人駕之緩急殊不

可用宜招集乃顏及勝納合兒流散戶爲軍自泉州至杭州立海站十五

站置船五艘水軍二百專運番夷貢物及商販奇貨且防禦海道爲便從

之

命福建行省拜降江西行院月的迷失江淮行省忙兀帶合兵擊賊江西

四月置江西福建打捕鷹坊總管府福建轉運司及管軍總管言其非宜

詔罷之以上世祖紀

置浙東江東江西湖廣福建木綿提舉司責民歲輸木綿十萬匹以都提

舉司總之世祖紀類編

五月江淮福建江西三省所抽軍各還本翼世祖紀

八月置福建江西等處行中書省元史百官志

案百官志又作行樞密院

九月詔福建省及諸司毋沮擾魏天祐銀課世祖紀

是年春鍾明亮降於韶州閏八月復反以衆萬人寇梅州江羅等以八千

人寇漳州又韶雄諸賊二十餘處皆舉兵應之聲勢張甚詔遣月的迷失

與福建江西省合兵討之通鑑後編元通鑑曲江縣志

十一月漳州賊陳機察等八千人寇龍巖執千戶張武義與楓林賊合福建行省兵大破之陳機察邱大老張順等以其黨降行省請斬之以警衆事下樞密院議范文虎曰賊固當斬然既降乃殺之何以示信宜並遣赴闕從之建甯賊黃華弟福結陸廣馬勝復謀亂事覺皆論誅

通鑑後編元通鑑

以王惲爲福建閩海道提刑按察使惲上言曰福建所轄郡縣五十餘連山距海實爲邊徼要地而民情輕詭自平宋以來官吏貪殘故山寇往往嘯聚愚民因而蟻附剽掠村落官兵致討復蹂踐之甚非朝廷一視同仁之意也今雖不能一一擇任守令而行省官僚如平章左丞尙闕宜特選清望素著文足以撫綏黎庶武足以折衝外侮者使鎮靜之庶幾治安可期也惲黜官吏貪汙者數十人察繫囚之冤滯者決而遣之戒戍兵無得寓民家別創營屋居之民得少安

續通鑑

興化路仙遊賊朱三十五集衆寇青山萬戶李綱討平之

元通鑑

二十七年二月癸未泉州地震丙戌復震

元史五行志

三月放罷福建獵戶沙魚皮戶爲民以其事付有司總之
併福泉二州人匠提舉司爲一仍放無役者爲民

五月江西行省言吉贛湖南廣東福建以禁弓矢賊益發乞依內郡例許
尉兵持弓矢從之以上世祖紀

泉州南安賊陳七師反討平之通鑑後編

六月泉州大水全上

九月福建省以管內盜賊蜂起請益戍兵命江淮省調下萬戶一軍赴之
世祖紀

十一月江淮行省平章不憐吉帶言福建盜賊已平世祖紀

二十八年二月改福建行省爲宣慰司隸江西詔行臺勿聽行省節度通鑑後編

類編

立江淮湖廣江西四川等處行樞密院詔諭中外江西治汀州世祖紀

七月中書右丞崔彧遷御史中丞言行御史臺言建甯路總管馬謀因捕

盜延及平民擄掠多至死者又俘取人材迫通處女受民財積百五十錠
獄未具會赦馬謀以非罪殺人不在原例宜令行臺詰問定罪續通鑑

八月罷泉州至杭州海中水站十五所世祖紀

二十九年正月江西行省左丞高興言江西福建汀漳諸處連年盜起百

姓入山以避今次第就平乞降旨招諭復業又福建鹽課酒稅銀鐵各立

提舉司實爲冗濫請罷去詔皆從之通鑑後編元通鑑

罷福建銀鐵提舉司禁商賈私以金銀航海類編

河南福建行中書省臣請詔用漢語有旨以蒙古語諭河南漢語諭福建

世祖紀

二月以泉府太卿亦黑迷失鄧州舊軍萬戶史弼福建行省左丞萬興並

爲福建行省平章政事將兵征爪哇用海船大小五百艘軍士二萬人通鑑

後編

六月以征爪哇暫禁兩浙廣東福建商賈航海者俟舟師已發後從其便

全上

閏六月罷福建歲造象齒鑿帶

世祖紀

八月初福建參知政事魏天祐獻計發民一萬鑿山煉銀歲可得萬五千

兩天祐乃賦民鈔市銀兩輸官而私其百七十錠至是臺官以聞請追其

贓而罷銀冶從之

通鑑後編元通鑑

討浙東孟總把等賊敕諸軍之駐福建者聽平章政事閻里節度

世祖紀

亦黑迷失乞與高興等同征爪哇帝曰亦黑迷失惟熟海道海中事當付

之其兵事則委之史弼可也乃以弼爲福建行省平章政事統領出征軍

馬

通鑑後編元通鑑

十二月汀漳劇盜歐狗久不平福建行省平章徹爾引兵征之號令嚴肅

所過秋毫無犯有降者則勞以酒食而慰遣之曰吾意汝豈反者耶良由

官吏污暴所致今旣來歸卽爲平民吾安忍罪汝其返汝耕桑安汝田里

毋恐它柵聞之悉款附未幾歐狗爲其黨縛致梟首以徇脅從者不戮一